

جریدہ علیہ

مشجعت جلید اسلامیک جریده رسمیه سیدر

ذی الحجہ سنہ ۱۳۳۸

عدد ۶۲

اون بش کونده بر نشر اولنور

شعبی سنہ

جمل حکمیه

امام شعبی به بر مسئله صورمشلر « بيلم » ديمش . « اوتانمورميسك ؟ » ديمشيلر .
« لاعلم لنا » ديدكلى زمان « ملكرك اوتانمدينى شيئدن نيجين اوتاناييم » ديمش .

§

انصار كرامدن (رضى) بر ذات حضرت پيغمبر صلى الله عليه وسلم افندمز ديمش كه
حديث ايشيديورم از برليه ميورم .
حضرت پيغمبر بيورمشلر كه : « صاغ الدن استعانه ايله » يعنى ياز .

§

ذوالقرينه صورمشلر ديمشلك سلطنتكدن دها چوق سنى مسرور ايدن شئ نه در ؟
ايكى شيئدر ديمش . برى عدل وانصاف ، ديكرى ايلك ياپانه ايلكندن زياده مكافاة ايتك .

§

خراسان اميرى اسماعيل بن احمد بر كون مروه قومش . بر يره قوندينى زمان بو
ذاتك عادتى بوايمش كه « عسكرك اهالى ايله هيچ برايشي يوقدر » ديه دلال چاغيردرمش .
اوراده ده ايله دلال چاغيرتمش بونكله برابر عسكرك برى كيتمش برينك قارپوز تارلاسه
كبرمش برقچ قارپوز يمش . تارلا صاحبي كمش شكيت ايله مش . بك امر ايله مش عسكرى
كتيرتمش آكا ديمش كه بز سكا اجرت ويريورمير ؟
— اوت ، ديمش .

— دلالى ايشيتمدكى ؟ ديمش .

— ايشيتدم افندم ديمش .

— اى نيجين اهالى به اذيت ايلك ديمش .

— خطا ايتدم ديمش .

امير مشاراليه — سنك خطا كدن طولاي بن آتشه كيردم ديمش ، امر ايتمش
سارقك الى كسينلمش .

§

ابن عباس (رضى الله عنهما) حضرتلى ديمش كه بر كون نبي ذیشان (صلى الله عليه وسلم)
افندمزك تركيسنده اينم بكا دوندى بيوردى كه اللهى كوزت كه اوده سنى كوزتسك
اللهى كوزت كه سنى هدايت ايله سين . كنيش زمانكده اللهى طانى كه طار زمانكده سنى طانيسين

شویله نیل که الله تعالی نك سندن منع ایلدیکی بر شیئی سکا و یرمک ایچین بوتون خلأئق طوبیالانسه اوکا قادر اولامازلر . نصرت صبرایله ، کنیشلک مشقتله در . ایسته دیکک زمان آنجق اللهدن ایسته ، استعانه ایتدیکک وقت آنجق اللهدن استعانه ایله . عسرایله برابر محقق یسرواردر .

§

روایت اولونور که علیه الصلاة والسلام افندمز بیورمشرکه : « عندتاهی الشدة تسكون الفرجة وعندتضایق خلق البلاء یكون الرخاء » یعنی شدت صووک درجه یه کلدکه آچیقاق حاصل اولور ؟ بلانک حلقه لر ی طارالینجه کنیشلک اولور .

§

مأمون خلیفه دیمش که دنیا ایشلری درتدر : امارت ، تجارت ، صناعت ، زراعت بونلردن برینه اهل اولمایان کیمسه ناسک اوزرینه یوکر .

§

بغدادده (رویم) نامنده بر ذات وار ایدی قرق سنه عبادتله مشغول ایدی صوکره بوذات قاضی اولدی او صیراده آکا ملاقی اولان برعسکر دیدی که هرکیم فاش ایتیه جک بر کیمسه یه تودیع اسرار ایتک ایسترسه (رویم) ه کیتسین چونکه تام قرق سنه حب دنیایی کتم ایده یلمشدر .

§

حکمدان بری دیمش که . - بورج عذابلرک جمعیدر . کیجه لر ی غم ، کوندوزلری ذلدر . اواللهک یر یوزنده جهنم لاله لر ی کی لاله لریدر که ذلیل ایتک ایسته دیکی قولک بوغازینه آنی کردانلق کی طاقار .

§

حضرت پیغمبر صلی الله علیه وسلم افندمزدن روایت اولونور : بیورمشرکه : « تجافوا عن ذنب السخی فان الله یأخذ ببیده کما عثر » یعنی سخینک کناهدن واز کیکیز چونکه اودوشدکجه الله آنک الندن طوتار .

§

جعفر صادق رحمة الله علیه حضر تلی بیورمشرکه الله تعالی بر قولینه انعام ایتدیکي خالد خلقک کلفته تحمل ایله مزسه آنک اونه بتنی زواله معروض قیلار .

§

یحیی البرمکی دیمش که دنیای اقبالی زماننده ویر که هیچ برشی اکیلمز . ادباری
زماننده ده ویر که ویرمه مکه طورمز ، ینه کیدر .
حسن بن سہلک بو سوز پک خوشینه کیدرده دیردی که الله ایچین نه کریم الطبع
ودنیای نه کوزل آکلماش آدم ایمش .

یحیی بو معنای نظم ایله شو قطعه یی انشاد ایله مش .
لا تَحْلَن بَدْنِیَا وَهِيَ مَقْبَلَةٌ فَلَیْسَ یُنْقَصُهَا التَّذِیْرُ وَالسَّرْفُ
فَان تَوَلَّی فَاحْرَى اَنْ تَجُودَ بِهَا فَلَیْسَ یَبْقَى وَبَاقِی شُكْرِهَا خَلْفُ

§

پیغمبرمز افدمز حضرتلری بیورمشلر که « قال لی جبریل (ع) یا محمد من اولاک
یدا فکافئه فان لم تقدر فأتین علیه » یعنی جبرائیل علیه السلام بکا دیدی که یا محمد کیم سکا
بر اییلک یا پارسه مکافاة ایت ، مکافاته قادر اولمازسه ک آتی ثنا ایله .

§

حکما دیمشلر که هر شینک بر تخمی واردر . عداوتک تخمی ده لطیفه در .
عبدالملک اوغوللرینه دیمش که عز اخدن صاقینیکز چونکه حیثیتی اخلال ایدر .
قهقهه دن ده صاقینیکز . چونکه هیبتی ازاله ایدر .

§

حکما دیمشلر که : « دار عدوک لاجد امر بن اما لصداقة تؤمنک اولفرصة تمکنک »
یعنی دشمنکه مدارایت ایکی شینک بریسی ایچین : یا سنی تأمین ایددجک بر صداقت ، یا قادر
قیلاجق بر فرصت .

§

ایوب علیه السلامه دیمشلر که بلالی زمانکده سزه الک آغیر کلن بلا هانکیسی ایدی
— دشمنلرک سوخنه سی ایدی . بیورمشلر

کل المصائب قد تمر علی الفقی
قهون غیر شماتة الاعداء

§

افلاطونه صورمشلر که : انسان دشمندن نه ایله انتقام آلیر ؟

— فضیلتی آرتیرمقله . دیمش .

احمد راسم عونى